



花草粹編四卷目錄

小令

憶秦娥

一名秦樓月雙
荷葉二十八

更漏子

三十六

喜遷鶯

一名鶯
春光好十二

阮郎歸

醉桃源
碧桃春

攤破浣溪沙

卜山花子
二

聖無憂

相思令

早梅芳近

二

燕歸來

望仙樓

甘泉子

四

畫堂春

人月圓

清衫
濕

錦堂春

洞天春

海棠春

二

謫仙怨

三

武陵春

十

鏡中人

高梅溪令

雙鷓鴣

茅山逢故人 雙頭蓮 秋並香 五

燭影搖紅 二 眼兒媚 秋皮媚小 朝中措 照江梅

慶春時 二 伊州三臺 烏夜啼 十二

桃源憶故人 虞美人影十一 城頭月 二

柳梢青 六二十 胡搗練 三 鹽角兒

撼庭秋 賀聖朝 四 喜團圓 三

洛陽春 極相思 三 憶漢月

醉鄉春 河瀆神 三 花前飲

品令 惜春郎 越江吟

相思引 早春怨 歸去來 二

孤館深沈 雙韻子 鳳孤飛

應天長 五 惜春令 二 沙塞子 二

月中行 月宮春 醉花間 二

桂華明 四和香 轉調賀聖朝

醉高歌 荷葉盃 二 慶金枝

鳳來朝 二 西江月 五三十 燕歸梁 三

上行杯 惜分飛 四 惜雙雙

清平調 二 太常引 六 太清引 二

四犯令 漁歌子 四 偷聲木蘭花 二

怨三三 捉拍醜奴兒 滴滴金 三

花草粹編四卷目錄終

花草粹編卷之四

朗陵外方陳耀文晦伯甫纂

小令

憶秦娥

一名秦樓月
一名雙荷葉

李太白

簫聲咽秦娥夢斷秦樓月秦樓月年年柳色灞陵傷
別樂遊原上清秋節咸陽古道音塵絕音塵絕西
風殘照漢家陵闕

佳人

周美成

香馥馥樽前有個人如玉人如玉翠翹金鳳內家粧
東嬌羞愛把眉兒蹙逢人只唱相思曲相思曲一

聲聲是怨紅愁綠

二

雙溪月清光偏照雙荷葉雙荷葉紅心未偶綠衣偷
結背風迎雨淚珠滑輕舟短棹先秋折先秋折煙
鬟木上玉杯微缺

陳去非

魚龍舞湘君欲下瀟湘浦瀟湘浦興亡離合亂波平
楚獨無樽酒酌端午移舟來聽明山雨明山雨白
頭孤客洞庭懷古

程正伯

青門深海棠開盡春陰陰春陰陰萬重雲水一寸歸
心玉樓深鎖烟消沉知他何日同登臨同登臨待
收紅淚細說如今

二

愁無語黃花庭院黃梅雨黃梅雨新愁一寸舊愁千
縷杜鵑叫斷空山苦相思欲寄人何許人何許一
重雲斷一重山阻

春思

康伯可

春寂寞長安古道東風惡東風惡胭脂滿地杏花零
落臂銷不柰黃金鐏天寒尚快春衫薄春衫薄不

禁搵淚為君彈却

房舜卿

與君別相思一夜梅花發
梅花發淒涼南浦斷橋斜
月盈盈微步凌波襪
東風笑倚天涯濶天涯濶一
聲羌管暮雲愁絕

曾純甫

西風節碧雲捲盡秋宵月
秋宵月關河千里照人離
別罇前俱是天涯客
那堪三載遙相憶遙相憶年
光依舊漸成華髮

邯鄲道望叢臺有感

前人

風蕭瑟邯鄲古道傷行客
傷行客繁華一瞬不堪思
憶叢臺舞歌無消息
金罇玉管空塵跡空塵跡連
天草樹暮雲凝碧

范至能

湘江碧故人同作湘中客
湘中客東風空鴈杏花寒
食溫溫月到盞橋側
醒心絃裏春無極春無極明
朝殘夢馬嘶南陌

向伯恭

芳菲歇故園目斷傷心切
傷心切無邊烟水無窮山
色可惜更近軋龍節
眼中淚盡空啼血空啼血子

規聲外曉風殘月

二

蟲聲切柔腸欲斷傷離別傷離別幾行清淚界殘紅
頰玉堦白露侵羅襪下簾却望玲瓏月玲瓏月寒
光零亂照人愁絕

周紫芝

東風歇香塵滿院花如雪花如雪看看又是黃昏時
節無言獨自添香鴨相思情絮無人說無人說照
人只有西樓斜月

暮雲碧佳人不見愁如織愁如織兩行征鴈數聲羌
笛錦書難寄西飛翼無言只是空相憶空相憶紗
窓人夢夢雙人隻

嬌滴滴雙眉歛破春山色春山色爲君含笑爲君愁
蹙多情別後無消息此時更有誰知得誰知得夜
深無寐度江橫笛

臨高閣亂山平野烟光薄烟光薄樓鴉歸後暮天吹
角斷香殘酒襟懷惡西風吹趁梧桐落梧桐落又

還愁也又還寂寞

別情

萬俟雅言

千里草萋萋盡處遙山小遙山小行人遠似此山多
少天若有情天亦老此情說便說不了說不了一
聲喚起又驚春曉

碧雲深

張輯

風淒淒井欄絡繹驚秋啼驚秋啼涼侵好夢月正樓
西卷簾望月知心誰関河空隔長相思長相思碧
雲暮合有美人兮

賀方回

曉暎暎前溪百鳥啼匆匆啼匆匆凌波人去拜月樓
空舊年今日東門東鮮粧輝映桃花紅桃花紅吹
開吹落一任東風

懷人

朱雍

風蕭蕭驛亭春信期春潮期春潮黃昏浮動誰在江
臯碧雲冉冉橫溪橋瓊車未至餘香飄餘香飄一
簾疎影月在花梢

蓬萊閣

秦櫺

宋人

齊乘

烟漠漠水天搖蕩蓬萊閣蓬萊閣朱甍碧瓦半浸寥
廓三山謾有長生藥茫茫雲海風濤惡風濤惡仙

槎不見暮沙潮落

詩餘

秋寂寂碧紗窓外人橫笛人橫笛天津橋上舊曾聽
得宮粧玉指無人識龍吟水底聲初息聲初息月
明江上數峯凝碧

詩餘

雲垂幕陰風慘淡天花落天花落千林瓊玖滿空鸞
鶴征車渺渺穿華薄路迢迢倍增離索增離索楚
溪山水碧湘樓閣

秋宵

黃叔暘

心如結西風老盡黃花鄭黃花鄭塞鴻聲斷冷烟婁
月漢朝陵廟唐宮闕興衰萬變從誰說從誰說千
年青史幾人華髮

初春

楊萬里

新春早春前十日春歸了春歸了落梅如雪野桃紅
小老夫不管春催老只圖爛醉花前倒花前倒兒
扶歸去醒來窓曉

閨情

孫夫人

鄭文妻

花深深一鈎羅襪行花陰行花陰閑將柳帶試結同
心耳邊消息空沉沉畫眉樓上愁登臨愁登臨海

棠開後望到如今

正月六日夜月

朱淑真

嚳嚳曲新年新月鈎寒玉鈎寒玉鳳鞋兒小翠眉兒
蹙 鬧蛾雪柳添妝束燭籠火樹爭馳逐爭馳逐元
宵三五不如初六

更漏子

溫廷筠

柳絲長。春雨細。花外漏聲迢遞。驚塞鴈。起城烏。畫屏
金鷓鴣。香霧薄。透簾幕。惆悵謝家池閣。紅燭背。綉
簾垂。夢長君不知。

二

星斗稀。鐘鼓歇。簾外曉鶯殘月。蘭露重。柳風斜。滿庭
堆落花。虛閣上。倚欄望。還似去年惆悵。春欲暮。思
無窮。舊歡如夢中。

三

金雀釵。紅粉面。花裏暫時相見。知我意。感君憐。此情
須問天。香作穗。蠟成淚。還似兩人心意。山枕膩。錦
衾寒。覺來更漏殘。

四

相見稀。相憶久。眉淺澹煙如柳。垂翠幕。結同心。待郎
燠綉衾。城上月。白如雪。蟬鬢美人愁絕。宮樹暗。鵲

橋橫玉籤初報明

五

背江樓臨海月。城上角聲嗚咽。堤柳動。島煙昏。兩行
征鴈分。京口路。歸帆渡。正是芳菲欲度。銀燭盡。玉
繩低。一聲村落鷄。

六

玉鑪煙紅蠟淚。偏對畫堂秋思。眉翠薄。鬢雲殘。夜長
衾枕寒。梧桐樹。三更雨。不道離情正苦。一葉葉。一
聲聲。空階滴到明。

常莊

鐘鼓寒。樓閣暝。月照古桐。今井深院閉。小庭空。落花
香露紅。煙柳重。春霧薄。燈背水。窻高閣。閑倚戶。暗
沾衣。待郎即不歸。

牛嶠

星漸稀。漏頻轉。何處輪臺聲怨。香閣掩。杏花紅。月明
楊柳風。挑錦字。記情事。唯願兩心相似。收淚語。背
燈眠。玉釵橫枕邊。

二

春夜闌。更漏促。金燼暗。挑殘燭。驚夢斷。錦屏深。兩鄉
明月心。大閨草碧。望歸客。還是不知消息。辜負我。悔

憐君告天天不聞

三

南浦情。紅粉淚。爭奈兩人深意。低翠黛。卷征衣。馬嘶
霜葉飛。招手別。寸腸結。還是去年時節。書託鴈。夢
歸家。覺來江月斜。

毛文錫

春夜闌。春恨切。花外子規啼月。人不見。夢難憑。紅紗
一點燈。偏怨別。是芳節。庭下丁香千結。宵霧散。曉
霞輝。梁間雙燕飛。

顧璠

舊歡娛。新悵望。擁鼻含嚔樓上。濃柳翠。晚霞微。江鷗
接翼飛。簾半捲。屏斜掩。遠岫參差迷眼。歌滿耳。酒
盈樽。前非不要論。

孫光憲

聽寒更。聞遠鴈。半夜蕭娘深院。扇綉戶。下珠簾。滿庭
噴玉蟾。燕人語靜。香閨冷。紅幕半垂清影。雲雨態。蕙
蘭心。此情江海深。

二

今夜期來日別。相對祇堪愁絕。偎粉面。搨搖簪。無言
淚滿襟。銀箭落。霜華薄。牆外曉雞唧唧。聽付囑。惡

情悰斷腸西復東

毛熙震

秋色清河影澹深戶燭寒光暗綃幌碧錦衾紅博山
香炷融更漏咽蛩鳴切滿院霜華如雪新月上薄
雲收映簾懸玉鈎

二

煙月寒秋夜靜漏轉金壺初永羅幕下繡屏空燈花
結碎紅人悄悄愁無了思夢不成難曉長憶得與
即期竊香私語時

金剪刀青絲髮香墨蠻牋親札和粉淚一時封此情
千萬重蓬垂鬢塵青鏡已分今生薄命將遠恨上
高樓寒江天外流

二

秋水平黃葉晚落日渡頭雲散擡朱箔掛金鈎暮潮
人倚樓歡娛地思前事歌罷不勝沉醉消息遠夢
魂狂酒醒空斷腸

三

風帶寒秋正好蘭蕙無端先老雲杳杳樹依依離人
殊未歸牽羅幕凭朱閣不獨堪悲搖落月東出鴈



原件短缺

南飛誰家夜擣衣

歐集亦有

四

鴈孤飛人獨坐看却一秋空過
瑤草短菊花殘蕭條漸向寒
簾幙裡青苔地誰信閑愁如醉
星移後月圓時風搖夜合枝

五

夜初長人近別夢斷一窓殘
月鸚鵡睡蟪蛄鳴西風寒未成
紅蠟燭伴碁局床上畫屏山
綠褰綉幌倚瑤琴前歡淚滿襟

晏同叔

柳間眠花裏醉不惜綉裙鋪地
釵燕重鬢蟬輕一雙梅子青
粉牋書羅袖淚還有可憐新意
遮悶綠掩羞紅晚來團扇風

張子野

杜陵春秦樹晚傷別更堪臨遠
南去信欲憑誰歸鴻多北歸
小桃枝紅蓓發今夜昔時風
月休苦意說相思少情人不知

杜壽域

臉如花花不笑雙臉勝花能笑
肌似玉玉非溫肌溫勝玉溫
既相逢情不重何似當初休
共情既重却

分飛爭如不見伊

向子諷

鵲橋邊牛渚上翠節紅旌相向承玉露挹金風年年
歲歲同懶飛梭停弄杼遙想彩雲深處人咫尺事
關山無聊獨倚欄

二 雪中韓叔
夏席上

小窓前踈影下鳶鏡弄粧初罷梅似雪雪如人都無
一點塵暮江寒人響絕更着朦朧微月山似玉玉
如君相看一笑温

三 題趙伯山清白軒
時王豐父同賦

竹孤青梅皨白更著使君清絕梅似竹竹如君須知
德有隣月同高風同調月底風前一笑翻碎影度
浮香與人風味長

蒲江

蓼花繁桐葉下寂寂夢回涼夜城角漸砌蛩悲月高
風起時衣上淚誰堪寄一寸妾心千里人北去鴈
南征滿庭秋草生

天機

解語花漸腸草諳盡風流煩惱歡會少別離多此情
無柰何帳前燈窓間月記得那時節綉被剩畫屏

空如今在夢中

梅苑

絳紗籠金葉蓋向戲燈花猶在水未結小瑠璃壠梅
香滿枝 雪無香花有意不是江南新寄霜月淨碧
天寒玉樓人倚闌

寄季玉妹

延安夫人

小闌干深院宇依舊當時別處朱戶鎖玉樓空一簾
霜日紅 弄珠江何處是望斷碧雲無際凝淚眼出
重城隔溪羌笛聲

喜遷鶯

帝莊

人洶洶鼓鼙鼙襟袖五更風大羅天上月朦朧騎馬
上虛空 香滿衣雲滿路鸞鳳遶身飛舞霓旌絳節
一羣羣引見玉華君

二

街鼓動禁城開天上探人迴鳳銜金榜出雲來平地
一聲雷 鶯已遷龍已化一夜滿城車馬家家樓上
簇神仙爭看鶴冲天

薛昭蘊

金門曉玉京春駿馬驟輕塵擘煙深處白衫新認得
化龍身 九陌喧千戶啓滿袖桂香風細杏園歡宴

曲江濱自此占芳辰

二

清明節雨晴天得意正當年馬驕泥軟錦連軋香袖
半籠鞭 花色融人竟賞盡是綉鞍朱鞅日斜無計
更留連歸路草和煙

毛文錫

芳春景暖晴煙喬木見鶯遷傳枝隈葉語闐闐飛過
綺叢間 錦翼鮮金毳軟百轉千嬌相喚碧紗窓曉
怕聞聲驚破鴛鴦暖

李後主

曉月墜宿雲微無語枕憑歌裏回芳草思依依天遠
鴈聲稀 啼鴛散餘花亂寂寞盡堂深院片紅休掃
儘從伊留待舞人歸

馮延巳

本作和疑

曉月墜宿雲披銀燭錦屏帷建章鍾動玉繩低宮漏
出花遲 春態淺來雙燕紅日初長一線嚴粧欲罷
轉黃鸝飛上萬年枝

見南唐書

二

宿鶯啼鄉夢斷春樹曉朦朧殘燈和燼閉朱櫺人語
隔屏風 香已寒燈已絕忽憶去年離別石城花雨

倚江樓波上木蘭舟

鶴冲天

夏英公

青箱雜詠

霞散綺月沉鈎簾捲未央樓夜深河漢接天流宮殿
鎖新秋 瑤階曙金堊露鳳髓香和雲霧三千珠翠
擁宸遊水殿按梁州

歐陽永叔

梅謝粉柳拖金香滿舊園林養花天氣半晴陰花好
却愁深 花無數愁無數花好却愁春去戴花持酒
祝東風千萬莫匆匆

花不盡柳無窮應與我情同舫舫一棹百分空何處
不相逢 朱絃悄知音少天若有情應老勸君看取
利名場今古夢茫茫

春光好

即喜遷鶯

馮延巳

露濛濛風淅淅楊柳帶疎烟飄飄輕絮滿南園墻下
草芊緜 燕初飛鶯已老拂面春風長好相逢携酒
且高歌人生得幾何

阮郎歸

一名醉桃源碧桃春

李後主

東風吹水日銜山春來長是閑落花狼籍酒闌珊笙
歌醉夢間 珮聲悄晚粧殘憑誰整翠鬟留連光景

惜朱顏黃昏獨倚闌

後有隸書東宮書府印

南園春半踏青時
風和聞馬嘶
青梅如豆柳如眉
日長蝴蝶飛
花露重
草烟低
人家簾幙垂
秋千慵困
解羅衣
盡梁雙燕歸

二

角聲吹斷隴梅枝
孤窓月影低
塞鴻無限欲驚飛
城烏休夜啼
尋斷夢
掩香闌
行人去路迷
門前楊柳
綠陰齊
何時聞馬嘶

歐陽永叔

雪霜林際見依稀
清香已暗期
前村已遍倚南枝
群花猶未知
情似舊
賞休遲
看看墮上吹
便從今日
賞芳菲
韶華取次歸

晏叔原

來時紅日弄窓紗
春紅入睡霞
去時庭樹欲棲鴟
香屏掩月斜
收翠羽
整粧華
青驪信又差
玉笙猶戀
碧桃花
今宵未憶家

二

舊香殘粉似當初
人情恨不如
一春猶有數行書
秋來書更疎
衾鳳冷
枕鴛孤
愁腸待酒舒
夢魂縱有

也成虛那堪和夢無

司馬光

青箱雜記

漁舟容易入深山仙家日日閒綺窓紗幌映朱顏相逢醉夢間
松露冷海霞殷匆匆整棹還落花寂寂水潺潺重尋此路難

張子野

仙郎何日是來期無心雲勝伊行雲猶解傍山飛郎
待去不歸強自盡又芳菲春深輕薄衣桃花無語
伴相思陰陰月上時

二

落花浮水樹臨池年前心眼期見來無事去還思而
今花又飛淺螺黛淡胭脂閑粧取次宜隔簾風雨
閉門時此情江月知

東坡

綠槐高柳咽新蟬薰風初入絃碧紗窓下水沉煙棋
聲驚晝眠踈雨過小荷翻榴花開欲燃玉盆織手
弄清泉瓊珠碎却圓

古今詞話云觀者歎服其八句狀八景音律一同殊不散亂人爭寶之刻之琬琰掛于堂室間也

茶

黃山谷

歌停檀板舞停鸞高陽飲興闌獸煙噴盡玉壺乾香

分小鳳團 雲浪淺露珠圓捧 甌春笋寒絳紗籠下

躍金鞍歸時人倚闌 詩餘舊本以前詞話東坡狀八景入此下諸刻因之誤

效福唐獨木橋体作茶詞 前人

烹茶留客駐雕鞍 有人愁遠山別即容易見即難月
斜窓外山 歸去後憶前惟畫屏金博山一盃春露
莫留殘與即扶玉山

三

退紅衫子亂蜂兒衣寬只為伊為伊去得忒多時教
人直是疑 長睡晚理粧遲愁多懶畫眉夜來笑得
有歸期燈花則甚知

秦少游

碧天如水月如眉城頭銀漏遲綠波風動畫船移嬌
羞初見時 銀燭暗翠簾垂芳心兩自知楚臺魂斷
曉雲飛出歡難再期

二

褪花新綠漸團枝撲人風絮飛秋千未拆水平堤落
紅成地衣 遊蝶困乳鶯啼怨春春怎知日長早被
酒禁持那堪更別離

三

宮腰裊裊翠鬟鬆夜堂深處逢無端銀燭殞秋風靈

年得暗通 更有恨恨無窮星河沉曉空隴頭流水
各西東佳期如夢中

四

瀟湘門外水平鋪月寒征棹孤紅妝飲罷少踟躕有
人偷向隅 揮玉筋酒真珠梨花春雨餘傍人盡道
斷腸初那堪腸也無

五

湘天風雨破寒初深沉庭院虛麗譙吹罷小單于迢
迢清夜徂 鄉夢斷旅魂孤崢嶸歲又除衡陽猶有
鴈傳書郴陽和鴈無

周美成

冬衣初染遠山青雙絲雲鴈綾夜寒袖濕欲成冰都
緣珠淚零 情黯黯悶騰騰身如秋後蠅若教隨馬
逐即行不辭多少程

二

菖蒲葉老水平沙臨流蘇小家畫闌曲徑宛秋蛇金
英番露華 燒蜜炬引蓮娃酒香蒸臉霞再來重約
日西斜倚門聽暮鴉

蘇養直

西園風暝落花時綠陰鶯亂啼倚欄無語惜芳菲絮

飛蝴蝶飛 綠底事減腰圍遣愁愁着眉波連春渚
暮天垂燕歸人未歸

乙卯潘陽道中作

向伯恭

江南江北雪漫漫遙思易水寒同雲深處是三關斷
腸山又山 天可老海能翻消除此恨難頻聞遣使
問平安幾時鑾輅還

趙子發

馬蹄踏月響空山梅生煙壑寒水妃去後淚痕乾天
風吹珮蘭 紉香久怕花殘與君聊據鞍一枝欲寄
北人看如今行路難

曹元寵

簷頭風佩響丁東簾疎燭影紅鞦韆人散月溶溶樓
臺花氣中 春酒醒夜寒濃綉衾誰與同只愁夢短
不相逢覺來羅帳空

蔣元龍

山池芳草綠初勻柳寒眉尚顰東風吹雨細於塵一
庭花臉皺 鶯共蝶怨還嗔眼前無好春這般天殺
愁人人愁旋旋新

西湖摘楊梅作

周紫芝

西湖山下水潺潺滿山風雨寒枝頭紅日曉爛斑越

梅催曉丹 連翠葉擁金盤玉池生乳泉此生三度
試并酸欲歸歸尚難

蘆川詞

長楊風軟弄腰肢日長蝴蝶飛雨餘新綠細通池玉
鈎懸妓衣 鴻鴈遠子規啼此情誰得知一尊聊與
故人持醉來悲別離

劉叔安

寒陰漠漠夜來霜階庭楓葉黃歸鴉數點帶斜陽誰
家砧杵忙 燈弄幌月侵廊薰籠添寶香小屏低枕
怯更長和雲入醉鄉

德壽宮看花凭欄有燕掠水應制曾覲

柳陰庭院占風光呢喃春晝長碧波新漲小池塘雙
雙蹴水忙 萍散漫絮飄揚輕盈躡態狂爲憐流水
落花香啣將歸盡梁

史邦卿

龍香吹袖白藤鞭帽簷衝柳烟一春幾度畫橋邊東
風聽堯絃 花活計酒因緣從人嘲少年直須吟就
綠楊篇灣頭寄小憐

月下感事

舊時明月舊時身舊時梅萼新舊時月底似梅人梅

春人不春 香入夢粉成塵情多多斷魂芙蓉孔雀
夜温温愁痕即淚痕

陳康伯

閑來溪上有雲飛溪光接翠微江南三月落花時春
波去權遲 尋竹路破林扉蒼臺舊釣磯欲歸回首
未成歸黃塵滿素衣

春閨

詩餘

春風吹雨透殘枝落花無可飛小池寒綠欲生漪雨
晴還日西 簾半捲燕雙歸諱愁無柰眉翻身整頰
着殘棋沉吟應劫遲

徐淵子

茶寮山上一頭陀新來學者麼蝻蚌螭與烏螺知
他放幾多 有一物似蜂窩姓牙名老婆雖然無柰
得它何如何放得它

徐淵子舍人好以詩文諧謔丁少詹與妻有違言
乃奔家居茶寮山茹素誦經日買海物放生久而
不歸妻患之祈徐警解徐許諾出門見賣老婆牙
買一巨筐餉丁且作此詞丁見詞大笑而歸

天機

帝城西下望西山城屋歲又殘萬家風雪一家寒青
燈語夜闌 人鮪甕鬼門關無窮人往還求官莫要
近長安長安行路難

風中柳絮水中萍聚散兩無情斜陽路上短長亭今
朝第幾程何限事可憐生能消幾度春別時言語
總傷心何曾一字真

王從叔

春景

嚴次山

拍堤春水蘸垂楊水流花片香
弄花噴柳小鴛鴦一雙隨一雙
簾半捲露新粧春衫是柳黃
倚欄看處背斜陽風流暗斷腸

黃叔暘

粉香吹暖透單衣金泥雙鳳飛
閑來花下立多時春

風酒醒遲桃葉曲柳枝詞
芳心空自知湘臯月冷
佩聲微鴈歸人不歸

碧桃春

丁持正
翰

幾年辛苦搥元霜一朝瓊粉香
雲英縹渺曳仙裳相將騎鳳凰
銜帝樂酌天漿千年顏色芳
從茲歸去白雲鄉碧桃春晝長

白玉蟾

淡煙凝翠鎖寒蕪斜陽掛碧梧
沙頭三兩鴈相呼瀟瀟風捲蘆
何處笛一聲孤岸邊人釣魚
快航一夜泊桐廬問人沽酒無

夕陽樓外落花飛
晴空碧四垂
去帆回首已天涯
孤烟捲翠微
樓上客鬢成絲
歸期未有期
斷魂不忍下危梯
桐陰月影移

魏夫人

攤破浣溪沙

毛文錫

春水輕波浸綠苔
枇杷洲上紫檀開
晴日眠沙鷓鴣
穩暖相隈
羅襪生塵游女過
有人逢着弄珠迴
蘭麝飄香初解珮
忘歸來

山花子

和凝

鶯錦蟬穀馥麝臍
輕裾花草曉煙迷
鷓鴣顫金紅掌
墜翠雲低
星壓笑隈霞臉畔
蹙金開襜襯銀泥
春思半和芳草嫩
綠萋萋

太常二

銀字笙寒調正長
水紋簾冷盡屏涼
玉腕重金拈臂
澹梳粧
幾度試香織手暖
一迴嘗酒絳脣光
伴弄紅絲蠅拂子
打檀郎

顧璣

紅藕香寒翠渚平
月籠虛閣夜蛩清
天際橫枕上夢
兩牽情
寶帳玉爐殘麝冷
羅衣金縷暗塵生
小窓深孤燭背
淚縱橫

湖上秋深藕葉黃清霜銷瘦損垂楊洲紫嫩沙斜照
暖睡鴛鴦紅粉蓮娃何處在西風不爲管餘香今
夜月明開水調斷人腸

賀方回

簡傳嵩叟

辛幼安

揔把平生入醉鄉大都三萬六千場今古悠悠多少
事莫思量微有夢寒春雨好更無尋處野花香年
去年來還又笑燕飛忙

梅苑

雪態冰姿好佔伊料應嘗笑水僊逢驛使初傳芳信

半賞佳期暗想花神多巧妙粘酥綴玉壓纖枝粉
面臨鵝宜月殿整粧時

彈箏

賀方回

錦鞦朱絃瑟瑟徽玉纖新擬鳳雙飛縹緲燭煙花暮
暗就更衣約畧整環釵影動逢回顧步珮聲微宛
是春風蝴蝶舞帶香歸

湯詞

周紫芝

門下青駝月下嘶映堦籠燭畫簾垂一曲陽關聲欲
盡不多時鳳餅未殘雲脚乳水沉催注玉花甕忍
看捧甌春筍露翠鬟垂

標致清高不染塵。星冠雲鬢紫霞裙。門掩斜陽無一事。撫瑤琴。鶴觀幽花偏惹恨。竹窓閑月最銷魂。此際得教還俗去。謝天尊。

劉金壇

李易安

揉破黃金萬點輕。剪成碧玉葉層層。風度精神如彥輔。大鮮明。梅蕊重重何俗甚。丁香千結苦麝生。熏透愁人千里夢。却無情。

病起蕭蕭兩鬢華。臥看殘月上窓紗。豆蔻連梢剪熟

水。莫分茶。枕上詩書閑處好。門前風景雨來佳。終日向人多蘊藉。木犀花。

聖無憂

歐陽永叔

世路風波險。十年一別。須臾人生聚散長。如此相見。且歡娛。好酒能消光景。春風不染髭鬚。爲公一醉。花前倒紅袖。莫來扶。

相思令

晏同叔

昨日探春消息。湖上綠波平。無柰繞堤芳草。還向舊痕生。有酒且醉瑤觥。更何妨。檀板新聲。誰教楊柳千絲。就中牽繫人情。

早梅芳近

李德載

深院靜小欄傍標致不尋常儘他桃李占風光誰敢
闖新粧 王堂中梁苑裏休把雪來輕比莫吹長笛
巧催殘畱取月中看

二

殘臘裏早梅芳春信報新陽曉來枝上抱寒光輕點
壽陽粧 雪難欺霜莫妬別是一般風措望林人意
正妖嬈漸看長新條

燕歸來

晏叔原

蓮葉雨蓼花風秋恨幾枝紅遠烟收盡水溶溶飛鴈

碧雲中 衷腸事魚牋字情緒年年相似凭高雙袖
晚寒濃人在月橋東

望仙樓

晏叔原

小春花信日邊來未上江梅先折今歲東君消息還
自南枝得 素衣染盡天香玉酒添成國色一自故
溪疎隔腸斷長相憶

甘草子

早春
宴客

寇萊公

湘山
野錄

春早柳絲無力低拂青門道暖日籠啼鳥初折桃花
小 遙望碧天淨如掃曳一縷輕寒縹渺堪惜流年
謝芳草任玉壺傾倒

秋深

柳耆卿

秋暮亂洒衰荷。顆顆真珠雨。雨過月華生。冷徹鴛鴦浦。池上凭欄愁無侶。奈此箇單棲情緒。却傍金籠共鸚鵡。念粉郎言語。

二

秋盡葉剪紅綃。砌菊遺金粉。鴈字一行來。還有邊庭信。飄散露華清風緊。動翠幙。曉寒猶嫩。中酒殘牋慵整。頓聚兩眉離恨。

楊無咎

秋暮永夜西樓。冷月明窓戶。夢破櫓聲中。憶在松江

路。歌枕試尋曾遊處。記歷歷風光。堪數誰與浮家

五湖去。儘醉眠秋雨。

畫堂春

春怨

秦少游

山谷集有

東風吹柳日初長。雨餘芳草斜陽。杏花零落燕泥香。睡損紅粧。寶篆煙消。鳳。畫屏雲鎖。瀟湘暮寒微透。薄羅裳。無限思量。

春怨

徐師川

少游集有

落紅鋪徑水平池。弄晴小雨霏霏。杏花憔悴杜鵑啼。無柰春歸。柳外畫樓獨上。凭欄手撚花枝。放花無語對斜暉。此恨誰知。

空籠簾影隔垂楊。夢回芳草池塘。杏花枝上蝶雙雙。
春晝初長。強理雲鬟臨照。暗彈粉淚沾裳。自憐容
艷惜流光。無限思量。

趙元鎮

石次仲

寒蛩切切響空帷。斷腸風葉霜枝。鳳樓何處鴈書遲。
空數歸期。漸覺沈腰春瘦。却成宋玉秋悲。又還辜
負菊花時。沒箇人知。

春思

鄭中卿

東風吹雨破花慳。客毡曉夢生寒。有人斜倚小屏山。

蹙損眉弯。合是
釵雙燕。却成兩鏡孤鶩。暮雲修
竹淚。畱殘翠袖凝斑。

蒲江

玉屏回夢月平欄。元來香冷衣單。柳風特地更將寒。
吹上眉端。雲羽未回征鴈。鏡花空舞雙鴛。去年芳
徑又爛斑。門掩春閑。

願堂詞

軟風和雨暗樓臺。餘寒巧作愁媒。半春懷抱向誰開。
忍淚千回。斷夢已隨烟篆。醉魂空帶瓊盃。小窓瞥
見一枝梅。疑悞君來。

謝勉仲
西風庭院雨垂垂。黃花秋闋遲。已涼天氣未寒時。才
褪單衣。睡起花痕猶在。鬢鬆釵壓雲低。玉奩重拂
淡胭脂。情入雙眉。

人月圓

中秋

趙元鎮

連環寶瑟深深願。結盡一生愁。人間天上佳期勝賞
今夜中秋。雅歌妍態常娥見了。應羨風流芳樽羨
酒年年歲歲。月滿高樓。

王晉卿

小桃枝上春來早。初試薄羅衣。年年此夜華燈競慶

人月圓時。禁街簫鼓寒輕。夜永纖手同携。夜闌人

靜。千門笑語聲在簾幃。能改齋謾錄

席間遇流落婦人

宋宗室子

吳彥高

歸潛志

南朝千古傷心事。猶唱後庭花。舊時王謝堂前燕子
飛向誰家。偶然相見。一作恍然仙肌勝雪。雲鬢堆鴉。

江州司馬青衫淚濕。同是天涯。

中州樂府云彥高北遷後為故宮人賦此時宇文叔通亦賦念奴嬌先成而頗近鄙俚及見彥高此作茫然自失是後人有求作樂府者叔通即批云吳郡近以樂府名天下可往求之

元遺山

玄都觀裏桃千樹。花落水空流。憑君莫問清涇濁渭

去馬來牛 謝公扶病羊曇揮涕一醉都休古今幾
度生存華屋零落山丘

卷四

茫茫大塊洪爐裏何物不寒灰古今多少荒烟廢壘
老樹遺臺 太行如礪黃河如帶等是塵埃不須更
嘆花閣花開春去春來

洞天春

歐陽永叔

鶯啼綠樹聲早檻外殘紅未掃露點珍珠遍芳草正
簾幃清曉 秋千宅院悄悄又是清明過了燕蝶輕
狂柳絲撩亂春心多少

海棠春

春晚

秦少游

流鶯窗外啼聲巧睡未足把人驚覺翠被曉寒輕寶
篆沉烟裊 宿醒未解宮娥報道別院笙歌宴早試
問海棠花昨夜開多少

史達祖

梅溪詞

似紅如白含芳意錦宮外烟輕雨細燕子不知愁驚
墮黃昏淡 燭花偏在紅簾底想人怕春寒正睡夢
着玉環嬌又被東風醉

謫仙怨

劉長卿

青瑣高議

晴川落日初低惆悵孤舟解携鳥去平蕪遠近人隨

流水東西。白雲千里萬里。明月前溪後溪。獨恨長江謫去。江潭春草萋萋。

竇弘餘

胡塵犯闕衝關。金輅提携玉顏。雲南此時消散。君王何日歸還。傷心朝恨暮恨。回首千山萬山。獨望天邊初月。娥眉猶自弯弯。

劉斧

晴山礙日橫天。綠疊君王馬前。鴛輅西巡蜀國。龍顏東望秦川。曲江翫斷芳草。妃子愁凝暮烟。長笛此時吹罷。何言獨為婁娟。

武陵春

晏叔原

綠蕙紅蘭芳信歇。金縷正風流。應為詩人多怨。秋花意與銷愁。梁王苑路香英密。長記舊嬉遊。曾看飛瓊戴滿頭。浮動舞梁州。

二

九日黃花如有意。依舊滿珍叢。誰似龍山秋興濃。吹帽落西風。年年歲歲登高節。歡事旋成空。幾處佳人此會同。今在淚痕中。

三

烟柳長堤知幾曲。一曲一魂銷。秋水無情天共遙。愁

送木蘭橈 薰香綉被心情懶期信轉迢迢記得來
時倚畫橋紅淚滿鮫鮎

惜別

謝勉仲

門掩東風人去後愁損燕鶯心一朶梅花淡有春粉
黛不吹勻 我亦青樓成倦客風月強追尋莫把恩
情做弄成容易學行雲

信豐捐翠閣

趙介之

乍雨籠晴雲不定芳草綠纖柔燕語鶯啼小院幽春
色二分休 試凭危闌凝遠目山與水光浮袞袞閑
愁逐水流流不盡許多愁

石次仲

走去走來三百里五日以為期六日歸時已是疑應
是望歸時 鞭筒馬兒歸去也心急馬行遲不免相
煩喜鵲兒先報那人知

魏夫人

小院無人簾半捲獨自倚欄時寬盡春來金縷衣
憔悴有誰知 玉人近日書來少應是怨來逢夢裏長
安早晚歸味泪立斜暉

李易安

風住塵香花已盡日落倦梳頭物是人非事事休欲

語淚先流 聞說雙谿春尚好也擬泛輕舟只恐雙谿舴艋舟載不動許多愁

岐陽郵亭

趙秋官妻

人道有情還有夢無夢豈無情夜夜思量直到明有夢怎教成 昨夜偶然來夢裡鄰笛又還驚笛韻悽悽不忍聽總是斷腸聲

一作連倩女寄陳彥臣

萬侯雅言

燕子飛來花在否微雨退掩重門正滿院梨花雪照人獨自箇怯黃昏 輕風淡月揔消魂羅衣暗惹啼痕謾覷着秋千腰褪裙可曉是不宜春

鏡中人

古今詞話

柳煙濃梅雨潤芳草綿綿離恨花塢風來幾陣羅袖沾春粉 獨上小樓迷遠近不見浣溪人信何處笛聲飄隱隱吹斷相思引

高溪梅令

李端叔

好花不與殢香人浪轉轉只恐春風歸去綠成陰玉鈿何處尋 木蘭雙槳夢中雲小橫陳謾向孤山山下覓盈盈翠禽啼一春

雙鷓鴣

朱希真

拂破秋江煙碧一對雙飛鷓鴣應是遠來無力稍下

相俚沙磧。小艇誰吹橫笛。驚起不知消息。悔不當
時。描得如今何處尋覓。

卜算子 茅山逢故人

句曲道中送友

張伯雨

山下寒林平楚。山外雲帆煙渚。不飲如何。吾生如夢
鬢毛如許。能消幾度相逢。遞莫而今歸去。壯士黃
金。昔人黃鶴。美人黃土。

雙頭蓮

信豐雙蓮

趙介之

太平和氣兆嘉祥。草木揔成雙。紅苞翠蓋。出橫塘。兩
兩鬪芬芳。幹搖碧玉並青房。仙髻擁新粧。連枝不
解引。鸞凰留取。映鴛鴦。

古今隨語

秋藥香

晏同叔

梅藥雪殘香瘦。羅幙輕寒。微透多情。只似春楊柳。占
斷可伶時候。蕭娘勸我。盃中酒。翻紅袖。金烏玉兔
長飛走。爭得朱顏依舊。

二

向曉雪花呈瑞。飛徧玉城。瑤砌何人。剪碎天邊桂。散
作瑤田瓊蘂。蕭娘歛盡。雙娥翠。迴香袂。今朝有酒
今朝醉。遮莫更長無睡。

晏叔原

池苑清陰欲就。還傍送春時候。眼中人去。歡難偶。誰

共一盃芳酒 朱攔碧砌背如舊 記携手 有情不管
別離久 情在相逢終有

二

歌徹即君秋草 別恨遠山眉小 無情莫把多情惱 第
一歸來須早 紅塵自古長安道 故人少 相思不比
相逢好 此別朱顏應老

周美成

乳鴨池塘水暖 風緊柳花迎面 午粧粉指印窓眼 曲
裏長眉翠淺 聞知社日停針線 探新燕 寶釵落枕
春夢遠 簾影參差滿院

燭影搖紅

賀方回

波影翻簾 淚痕凝燭 青山館 離魂十里 念佳期 襟珮
如相款 惆悵更長 夢短但衾枕 餘芳賸 暖半窓斜
月照人腸 斷啼鳥不管

毛澤民

鬢綠飄蕭 漫即已是青雲晚 古槐陰外 小闌干不負
看山眼 此意悠悠 無限有雲山 知人醉 嬾他年尋
我水邊月底 一簑烟短

眼兒媚

一名秋波媚 蒲江作小闌干

左與言

王照新志

樓上黃昏杏花寒 斜月小闌干 一雙燕子 兩行歸鴈

畫角聲殘 綺窓人在東風裏無語對春開也應似
舊盈盈秋水淡淡春山與張

王元澤

楊柳絲絲弄金柔煙雨織成愁海棠未雨梨花先雪
一半春休 而今往事難重省歸夢遶秦樓相思只
在丁香枝上豆蔻梢頭

賀方回

蕭蕭江上荻花秋做弄許多愁半竿落日兩行新鴈
一葉扁舟 惜分長怕君先去直待醉時休今朝眼
底明朝心上後日眉頭

北地

宋徽宗

南唐

王京曾憶舊繁華萬里帝王家瓊樓玉殿朝喧絃管
暮列笙琶 花城人去今蕭索春夢繞胡沙家山何
處忍聽羌管吹徹梅花

曾純甫

離觴重勸淚相看寂寞上征鞍臨行欲話風流心事
萬緒千端 春光漫漫人千里歸夢遶長安不堪向
晚孤城吹角回首關山

侯彥周

花信風高雨又收風雨互遲留無端燕子怯寒歸晚

閑損簾鈎 彈棋打馬心都懶
攏撥上春愁推書就
枕鳧烟淡淡蝶夢悠悠

許道真

中州

濁醪芻得王為漿風韻帶橙香
持盃笑道鵝黃似酒
酒似鵝黃 世緣老矣不思量
沉醉又何妨臨風對
月山歌野調儘我踈狂

尹梅津

翰

裊裊垂楊蘸清漪明綠染青絲
市橋繫馬旗亭沽酒
無限相思 雲梳雨洗風前舞
一好百般宜不知為
甚落花時節都是顰眉

石孝友

次仲

愁雲淡淡雨瀟瀟暮暮復朝朝
別來應是眉峯翠減
腕玉香銷 小軒獨坐相思處
情緒好無聊一叢萱
草幾竿脩竹數葉芭蕉

蒲江

玉鈎清曉上簾衣香霧濕春枝
餘寒逗雨羅裙無賴
重煖金猊 柳邊誰寄東風纜
流水只年時無人為
說天涯歸思梁燕空飛

史達祖

兒家七十二鴛鴦珠珮鎖瑤箱
期花等月秦臺吹玉

賈袖傳香 十年白玉堂前見直是剪柔腸將愁去
也不成今世終誤王昌

宋退翁

霏霏疎影轉征鴻人語暗香中小橋斜渡西亭深院
水月濛朧 人間不是藏春處玉笛曉霜空江南樹
樹黃垂密雨綠漲薰風

古今詞話

慘雲愁霧罩江天呵手捲簾看濛茸柳絮絮萬千蝴蝶
飛過危欄 後庭一樹瑤華綴零亂暗香殘今番桂
影也應寒重不放新弯

萍鄉道中

范至能

酣酣日脚紫烟浮妍暖破輕裘困人天色醉人花氣
午夢扶頭 春慵却似春塘水一片縠紋愁溶溶曳
曳東風無力欲皺還休

題蘇小樓

卓田 字稼軒
三山人

丈夫隻手把吳鉤能斷萬人頭因何鐵石打肝鑿膽
刻為花柔 君看項籍并劉季一怒世人愁只因撞
着虞姬戚氏豪氣都休 山房
隨筆

曾舜卿

芙蓉帳冷翠衾單魂夢幾曾閑怎禁未許茫茫烟水

疊疊雲山 去時頻把歸期約遠不過春殘而今已
是荷花開了猶倚欄干

春情

馮偉壽

自嚙雙黛聽啼鴉簾外翠煙斜社前風雨已歸燕子
未入人家 鞋兒試着無人看莫是忒寬些想它樓
上悶拈簫管憔悴鶯花

天機餘錦

憶從溪上得相逢樽酒兩心同梅絨香雪竹搖寒月
柳探春風 而今總是消魂處冷落半床空夢迷狂
蝶喜占乾鵲愁望飛鴻

天機餘錦

平生幾度怨長亭不似這番深霜收水瘦風流帆飽
怎忍輕分 欄干倚遍慵歸去獨自箇黃昏荷橫釵
股柳垂裙帶總是銷魂

陳詵

鬢邊一點似飛鴉休把翠鈿遮二年三載千捫百就
今日天涯 楊花又逐東風去隨分入人家要
不思量除非酒醒休照菱花

山房隨筆云湘人陳詵登第授岳陽教官與妓江
柳伊時孟之經守岳關其故一日公燕江柳不侍
呼至杖之文其眉鬢間以陳詵二字仍押隸辰州
詵悔其所有以贈且以此詞餞別柳將行會詵

故人情告陸陸西以荆湖制司幹官檄至岳陳先出迎
以情告陸陸即取空名制幹札填陳姓名檄入制
模既而孟迎入即問宴陸曰聞籍中有江柳者善
編難是也孟迎入即問宴陸曰聞籍中有江柳者善
陸問其事柳出銑詞陸嗟賞示孟且謂之孟求解
于陸并召銑同宴明日刻薦銑且除柳名以畀之

漫興

薩天錫

去年人在鳳凰池銀燭夜彈絲沉火香銷梨雲夢暖
深院綉簾垂 今年冷落江南夜心事有誰知楊柳
風柔海棠月淡獨自倚闌時

春情

朱淑真

遲遲風日弄輕柔花徑暗香流清明過了不堪回首
雲鎖朱樓 午窓睡起鶯聲巧何處喚春愁綠楊影

裏海棠亭畔紅杏梢頭

朝中措

即照江梅

歐陽永叔

平山欄檻倚晴空山色有無中手種堂前楊柳別來
幾度春風 文章太守揮毫萬字一飲千鍾行樂直
須年少樽前看取衰翁

古今詞話妓獻壽時相太守改作宰相直須作不須衰翁作仙翁

李蕭遠

即官湖上探春迴初見照江梅過盡竹溪流水無人
知道花開 佳人何處江南夢遠殊未歸來喚取小
叢教看隔江煙雨樓臺

杜安世

養花天氣近清明，絲雨釀寒輕。
滿眼春工，如綉消磨，不盡離情。
行行又宿，小桃舊塢，芳草郵亭。
喚起兩眉新恨，綠楊深處，啼鴛。

周紫芝

雨餘庭院冷蕭蕭，簷幕度微飈。
烏語喚回殘夢，春寒勒住花梢。
無慘睡起，新愁黯黯，歸路迢迢。
又是夕陽時候，一爐沉水，烟消。

二

黃昏樓閣亂棲鴉，天末淡微霞。
風裡一池楊柳，月邊

滿樹梨花。陽臺路遠，魚沉尺素，人在天涯。
想得小窓遙夜，哀絃撥斷琵琶。

曾純甫

西湖南北舊游空，誰料一罇同。
四首四年間事，渾如飛絮濛濛。
林花謝了，明年春到，依舊芳容。
惟有朱顏綠鬢，暗隨流水常東。

五月菊

朱新仲

著舊續聞

玉臺金盞對炎光，全似去年香。
有意莊嚴端午，不應忘却重陽。
菖蒲九節，金英滿把，同泛瑤觴。
舊日東籬陶令，北窓正卧羲皇。

亂山疊疊水泠泠
南北短長亭
客路如天杳杳歸時
能地窻窻
春光荏苒花期冷落
酒伴飄零鬢影黃
邊半白燒痕黑
處重青

石次仲 金谷遺音

秋夜蓮壺宮漏長
點點滴愁腸
睡起羞寬羅帶傷心
懶理嚴粧
報鵲無憑
斷鴻難倩
人遠瀟湘
日日危欄倚
遍幾迴錯認歸航

陸務觀

怕歌愁舞嬾逢迎
粧晚託春醒
總是向人深處當時

枉道無情
關心近日啼紅
密訴剪綠深盟
杏館花陰恨淺
畫堂銀燭嫌明

二

繁繁儺鼓餞流年
燭焰動金船
綵燕難尋前夢
酥花空點春妍
文園謝病蘭成
久旅回首凄然
明月梅山笛夜
和風禹廟鶯天

游王沅州山亭

管鑑

清江遠舍竹成陰
秋日共登臨
地與主人俱勝情
如酒盞方深
故園何處
時因望眼聊寄歸心
抖擻一襟涼韻
不教簿領塵侵

立夏日觀荼蘼作

一年春事到酴醾，何處更花開。莫趁垂楊飛絮，且隨紅藥翻堦。倦遊老矣，肯因名宦，孤負銜盃。寄語故園桃李，明年留待歸來。

梅苑

山城水隘小橋傍，竹裏早梅芳。縱有丹青圖畫，難描幽韻清香。妖嬈天賦，偏宜素淡，楊氏宮粧。雅態何須艷麗，孤標不在春光。

趙介之

疎疎簾幙映娉婷，初試曉粧新。玉腕雲邊，緩轉脩蛾

波上微顰，鉛華淡薄，輕勻桃臉。深注櫻唇，還是舞鸞窺沼，無情空惱行人。

侯彥周

依微春綠到江干，烟水小屏寒。惆悵鴈行南北，新詞不忍拈看。從今記取，臨風把酒，役夢志餐。飛絮落花時候，扁舟也到孤山。

維揚感懷

曾覲

雕車南陌碾香塵，一夢尚如新。回首舊游何在，柳煙花霧迷春。如今霜鬢，愁停短棹，懶傍清尊。二十四橋風月，尋思只有銷魂。

次聽父韻

相山

花陰如坐木蘭船，風露正娟娟。翠蓋西庭芳影，青蛟
平地飛涎。春撩狂興，香迷痛飲，中聖中賢。携取
一枝同夢，從他五夜如年。

初夏

李晦菴

薰風庭院燕雙飛，園柳轉黃鸝。是處蜂狂蝶亂，原來
綠暗紅稀。衫籠白苧，琴推綠綺，滿眼新詩。好箇江
南風景，杜鵑猶自催歸。

壽兄

韓元吉

清霜著柳，夜來寒。新月印湖山。共喜今年稱壽，一樽

還在長安。人間千載，從教鶴髮，且駐朱顏。看取煙
霄平步，何須九轉神丹。

小說

鳳凰歸去碧雲空，衰草亂茸茸。三國六朝一夢，茫茫
二水傾東。龍蟠虎踞，亭臺望裡，鴛瓦重重。玉女吹
簫何在，斷腸淚洒西風。

慶春時

晏叔原

倚天樓殿，升平風月，彩仗春移。鸞絲鳳竹，長生調裏
迎得翠輿歸。雕鞍遊罷，何處還有心期。濃薰翠被
深停畫燭，人約月西時。

梅梢已有春來音。信風意猶寒。南樓暮雪無人共賞，
閑却玉闌干。殷勤今夜涼月，還似眉彎。尊前爲把
桃根麗曲，重倚四絃看。

伊州三臺

并桂

坦菴

桂華移自雲岩，更被靈砂染丹。清露濕，酡顏醉乘風，
下臨世間。素娥襟韻，蕭閒不與群芳並看。款款絳
綃，單覺身輕，夢回廣寒。

烏夜啼

李後主

昨夜風兼雨，簾幕颯颯秋聲。燭殘漏滴頻，欹枕起坐。

不能平。世事漫隨流水，笑來一夢浮生。醉鄉路穩
宜頻到，此外不堪行。

權無染

梅苑

洗淨鉛華，污玉顏。自發輕紅，無言雪月黃昏。後別是
箇丰容，骨瘦難禁，消瘦香蒙。不並芳穠與君高却，
看花眼紅紫，謾春風。

春思

趙德麟

樓上紫簾弱絮，墻頭凝月低花。年年春事關心事，
腸斷欲棲鴉。舞鏡鴛衾翠減，啼珠鳳蠟紅斜。重門不
鎖，相思夢，隨意遶天涯。

詩餘作
錦堂春

蒲江

照水飛禽鬪影。舞風小徑低花。征鴻排盡相思字。音信落誰家。繫恨腰圍頓減。禁愁酒力難加。樓高日暮休簾捲。芳草滿天涯。

二

柳色津頭泣綠。桃花渡口啼紅。一春又負西湖醉。離恨雨聲中。客袂迢迢西塞。餘寒剪剪東風。誰家拂水飛來燕。惆悵小樓空。

三

漾暖紋波颭颭。吹晴絲雨濛濛。輕衫短帽西湖路。花

氣撲春驄。聞草寒衣濕翠。秋千瞥眼飛紅。日長不放春醪困。立盡海棠風。

四

段段寒沙淺水。蕭蕭暮雨孤蓬。香羅不共征衫遠。砧杵客愁中。別恨慵看楊柳。歸期暗數芙蓉。碧梧聲到紗窗曉。昨夜幾秋風。

程正伯

楊柳拖烟漠漠。梨花浸月溶溶。吹香院落春還盡。憔悴立東風。只道芳時易見。誰知密約難通。芳園迢遍無人問。獨自拾殘紅。

陸放翁

金鴨餘香尚暖。綠窓斜日偏明。蘭膏香染雲鬟膩。釵墜滑無聲。冷落鞦韆伴侶。闌珊打馬心情。繡屏驚斷瀟湘夢。花外一聲鶯。

離情

劉迎

離恨遠。紫楊柳。夢魂長。遶梨花。青衫記得章臺月。歸路玉鞭斜。翠鏡啼痕印袖。紅墻醉墨籠紗。相逢不盡平生事。春思入琵琶。

閨思

前人

菱鑑玉篔。秋月。蕙爐銀葉。朝雲宿醒人。困屏山。夢烟

樹小江村。翠甲未消。蘭恨粉香不斷。梅魂離愁。分付殘春雨。花外泣黃昏。

西湖

無名氏

水漫汀洲。新綠雲開。崦嵫微青。殘紅不見。成陰後。鷓鴣寂無聲。笑傲坡詩一夢。風流杜牧三生。西湖依舊人中意。來去竟難憑。

桃源憶故人

一名虞美人影

歐陽永叔

梅梢弄粉香猶嫩。欲寄江南春信。別後寸腸縈損。說與伊爭穩。小爐獨守空灰燼。忍淚低頭。盡畫眉上萬重新恨。竟日無人問。

二
鶯愁燕苦春歸去寂寂花飄紅雨碧草綠楊岐路况
是長亭暮少年行客情難訴泣對東風無語目斷
兩三煙樹翠隔江淹浦

冬景

秦少游

玉樓深鎖薄情種清夜悠悠誰共羞見枕衾鴛鳳悶
則和衣擁無端畫角嚴城動驚破一番新夢窗外
月華霜重聽徹梅花弄

詩餘

碧紗影弄東風曉一夜海棠開了枝上數聲啼鳥粧

點知多少如雲恨雨腰肢裊眉黛不堪重掃薄倖
不來春老羞帶宜男草

黃山谷

碧天露洗春容淨淡月曉收殘暈花上密烟飄盡花
底鶯聲嫩雲歸楚峽厭厭困雨點遙山新恨和淚
暗彈紅粉生怕人來問

鄭中鄉

東風料峭寒吹面低下綉簾休卷憔悴怕他春見一
任鶯花怨新愁不受詩排遣塵滿玉毫金硯若問
此愁深淺天濶浮雲遠

劉郎自是桃花主不許春風閑度春色易隨風去片
片傷春暮 及魂不用清香注却有梅花淡埽從此
鎮長相雁不怨飄殘雨

王逸民

桃源憶故人

吳子和

画橋流水飛花舞樓外斜風細雨紅瘦綠肥春暮腸
斷桃源路 懽隨仙子乘鳶去鏤月裁雲何處唯有
病和愁緒肯伴劉郎住

趙元鎮

青春不與花為主花正開時春暮花下醉眠休訴看
取春歸去 鶯愁蝶怨春知否欲問春歸何處只有
一尊芳醕留得青春住

朱希真

雨斜風橫香成陣春去空留春恨歡少愁多因甚燕
子渾難問 碧尖蹙損眉慵暈淚濕胭脂紅沁可惜
海棠吹盡又是黃昏近

二

西樓幾日無人到依舊紅圍綠遶樓下落花誰掃不
見長安道 碧雲望斷無音耗倚遍闌干殘照試問
淚彈多少濕遍樓前草

城頭月

贈梁彌仙

馬天驥

城頭月色明如畫
總是青霞有酒醉
茶醒飢餐困睡
不把雙眉皺
坎離龍虎勤交媾
煉得丹將就
借問羅浮鶴
侶還似先生否

和

李昶英

工夫作用中宵晝
點化無中有真意
長存童顏不改
底用呵摩皺
一身二五陽精媾
積得嬰兒就
借問霞仙三田熟
未還解飛冲否

柳梢青

佳人

周美成

有箇人人海棠標
韻飛燕輕盈酒暈潮
紅羞蛾凝綠

一笑生春
為伊無限傷心
更說甚巫山楚雲
斗帳香消
紗窓月冷
着意温存

春暮

賀方回

子規啼血可憐
又是春歸時節
滿院東風
海棠鋪繡
梨花飛雪
丁香露泣
殘枝
諳未比愁腸寸結
自是休文
多情多感
不干風月

秦少游

岸草平沙
吳王故苑
柳裊烟斜
雨後寒輕
風前香軟
春在梨花
行人一棹
天涯酒醒處
殘陽亂鴉
門外鞦韆墻頭
紅杏深院
誰家

游女

蔣勝欲

學唱新腔鞦韆架上釵股敲雙柳雨花風翠鬆裙褶
紅膩鞋幫 歸來門掩銀缸淡月裏踈鐘漸撞嬌欲
人扶醉嫌人問斜倚樓窓

有談舊倡潘氏

前人

小飲微吟殘燈斷雨靜戶幽窓幾度花開幾番花謝
又到昏黃 潘娘不是潘郎料應也霜粘鬢傍鸚鵡
闌空鴛鴦壺破烟渺雲茫

七夕

劉叔安

乾鵲收聲濕螢度影庭院秋香步月移陰梳雲約翠

人在迴廊

醺醺宿酒殘粧待付與溫柔醉鄉徘徊

藏嬌牽衣索笑今夜羞涼

酴醿過也酴醿過後無花堪折只有垂楊垂楊却作
絮驚行色 海棠半在如無又爭倩薔薇戀得除是
東風隨君歸問玉堂消息

謝無逸

看肩輕拍樽前忍聽一聲將息昨夜濃歡今宵別酒
明日行客 後回來則須來便去也如何去得無限
離情無窮江水無邊山色

朱希真

紅分翠別宿酒半醒征鞍將發樓外殘鍾帳前殘燭
窓邊殘月想伊綉枕無眠記行客如今去也心下
難拚眼前難覓口頭難說

二

任蹤怪迹誰料半老天涯為客帆展霜風船隨江月
山寒波碧如今着處添愁怎忍看參西馬北洛浦
鶯花伊川雲水如何歸得

舉場不利

董參政

滿腹文章滿頭霜雪滿面埃塵直至如今別無

只有清貧功名已是因循懊恨張巡李巡幾箇明
年幾番好運只是瞞人

德壽宮觀花應制

張掄

柳色初濃餘寒似水纖雨如塵一陣東風穀紋微皺
碧沼鱗鱗仙娥花月精神奏鳳筦鴛絃闌新萬歲
聲中九霞盃內長醉芳春

和前

曾覲

桃靨紅勻梨腮粉薄鴛徑無塵鳳閣凌虛龍池澄碧
芳意鱗鱗清時酒聖花神看內苑風光又新一部
仙韶九重鴛鴦仗天上長春

小宴清秋霎時見了雨散雲收柳絮輕柔梅花閑澹
宮院風流空教夢遶青樓待說箇相思又休無奈
情何不來眼底常在心頭

劉鎮

乾鵲收聲濕螢度影庭院秋香步月移陰梳雲約翠
人在回廊醺醺宿酒殘粧待付與溫柔醉鄉却扇
藏嬌牽衣索笑今夜差涼

送梅坡

劉改之

泛菊盃深吹梅角遠同在京城聚散匆匆雲邊孤鴈

水上浮萍教人怎不傷情屈指知心幾人後夜相
思塵隨馬足自逐舟行

豐樂樓

趙汝愚

水月光中烟霞影裏湧出樓臺空外笙簫人間笑語
人在蓬萊天香暗逐風回正十里荷花盛開買箇
小舟山南遊遍山北歸來

七夕諸公祖席

管鑑

澹雲微月又是一年新秋佳節天上惟期人間何事
番成離別清尊欲醉還歇怕飲散匆匆話別若是
經年得回相見其心愁絕

盧炳

蘭蕙心情海棠韻度楊柳腰肢步穩金蓮手織春筍
膚似凝脂 歌聲舞態都宜拚着箇堅心共伊無柰
相思帶圍寬盡說與教知

元正

吳雲壑 翰

綵杖鞭春鵝毛飛管斗柄回寅拂面東風雖然料峭
畢竟寒輕 戴花折柳心情怎睡得元宵放燈不是
今朝有些殘雪先去踏青

張鎡

天遠山圍龍蟠淡靄虎踞斜暉幾度功名幾番成敗

渾似鷗飛 樓臺一望淒迷笑到底空爭是非今夜
潮生明朝風順且送船歸

岳陽樓

戴式之

袖劔飛吟洞庭青草秋水深深萬頃波光岳陽樓上
一快披襟 不須携酒登臨問有酒何人共斟變盡
人間君山一點自古如今

梅

朱淑真

玉骨冰肌為誰偏好特地相宜一味風流廣平休賦
和靖無詩 倚窓睡起春遲困無力菱花笑窺嚼蕊
吹香眉心點處鬢畔插時

茅舍疎籬半飄殘雪斜卧枝低可便相宜烟藏脩竹
月在寒溪亭亭亭立多時判瘦損無妨為伊誰賦
才情盡成幽思寫入新詩

月墜霜飛隔窓疎影徹見橫枝不道寒香解隨羗管
吹到屏幃箇中風味誰知睡乍起烏雲任歌嚼盡
接英淺顰輕笑酒半醒時

蜀州王守門下客遇紅梅花作崇贈此
依稀曉星明滅白露點蒼苔敗葉斷址頽垣荒煙衰

草漢家宮闕咸陽道上行客又依舊利名深切改

換容顏銷磨今古壠頭殘月

古今詞話

胡搗練

晏幾道

小春花信雪中來壠上小梅先拆今歲東君消息還
自南枝得素衣洗盡九天香玉酒添成國色一自
故園疎隔腸斷長相憶

二

夜來江上見寒梅自逞芳妍標格為甚東風先折分
付春消息美人釵上玉樽前朵朵穠香堪惜誰把
彩毫描得免恁輕拋擲

雪上送唐彦猷

張子野

使君少醉離亭酒酒醒離愁轉有紫禁時虛右清雪
留難久一聲歌掩雙羅袖日落汀花春後猶有東
城烟柳青蔭長依舊

鹽角兒

晁無咎

初開似雪勝開似雪花中奇艷香非在盞香非在萼
骨中香徹占溪風番溪月堪羞損山桃如血直饒
更疎淡終有一般清別

撼庭秋

晏同叔

別來音信千里恨此情難寄碧紗秋月梧桐夜雨幾

回無寐樓高目斷天遙雲黯只堪憔悴念蘭堂紅
燭心長焰短向人垂淚

賀聖朝

葉道卿

滿斟綠醕留君住莫匆匆歸去三分春色二分愁悶
一分風雨花開花謝都來幾日且高歌休訴知他
來歲牡丹時候相逢何處

趙德莊

河陽桃李開無數待乘春歸去小園幾片忽驚飛恨
主人難駐雛鶯乳燕悲悲語道留君不住願君送
處作東風與群芳為主

金絲帳煖牙床穩懷香方寸輕顰輕笑汗珠微透柳
沾花潤 雲鬟斜墜春應未已不勝嬌困半歌犀枕
亂纏珠被轉羞人問

馮延巳

趙鼎

斷霞收盡黃昏雨滴梧桐疎樹簾櫳不捲夜沉沉鎖
一庭風露 天涯人遠深期真情苦長宵難度知他
窗外促織兒有許多言語

喜團圓

晏叔原

危樓靜鎖窓中遠岫門外垂楊珠簾不禁春風度解
偷送餘香 眠思夢想不如雙燕得到蘭房別來只
是憑高淚眼感舊離腸

與團圓

絞綃霧縠沒多重數緊凝儂偷憐孜孜覩着美前生只
結得眼因緣 眼是心媒心爲情本裡外勾連天還
有意不違人願與箇團圓

輕攢碎玉玲瓏竹外脫去繁華帶東君先點破壓群
花 瘦影生香黃昏月館清淺溪沙仙標淡竚偏宜
么鳳肯帶棲鴉

洛陽春

歐陽永叔

紅紗未曉黃鸝語
蕙爐銷蘭炷錦屏羅幕護春寒
昨夜三更雨
綉簾閒倚吹輕絮
歛眉山無緒
看花拭淚向歸鴻
問來處逢郎否

極相思

宋宗室夫人

柳煙霽色方融
花露遍金莖鞦韆院落
海棠漸老才過清明
嫩玉腕托香脂臉相傳粉更與誰情
秋波綻處相思淚
迸天沮深誠墨客揮犀

拂墻花影飄紅微月
辨簾櫳香風滿袖
金蓮印步狹

徑相逢

笑靨乍開還歛翠
正花時却恁西東別房

初睡斜門未鎖且更從容

陸務觀

江頭踈雨輕煙寒
食落花天翻紅墜素殘霞暗錦一段
淒然惆悵東君堪恨處也不念冷落樽前
那堪更看漫空相趁
柳絮榆錢

憶漢川

歐陽永叔

紅艷幾枝輕裊
新被東風開了倚烟啼露為誰嬌故
蝶憐蜂惱多情遊賞處
留戀向綠叢千統酒闌歡
罷不成歸腸斷月斜春老

醉鄉春

謫藤州作

秦少游

冷齋夜話

喚起一聲人悄衾冷夢寒霜曉瘴雨過海棠開春色
又添多少 社甕釀成微笑半破櫻瓢共鬪天覺顛
倒急投床醉鄉廣大人間小

少游在黃州飲于海棠橋南北多海棠有老書家海棠叢開少游醉卧于此明日題此于柱

河瀆神

温廷筠

河上望叢祠廟前春雨來時楚山無限鳥飛遲蘭棹
空傷別離 何處杜鵑啼不歇艷紅開盡如血蟬鬢
美人愁絕百花芳草佳節

二

孤廟對寒潮西陵風雨蕭蕭謝娘惆悵倚蘭橈淚流
玉筋千條 暮天愁聽思歸樂早梅香滿山郭迴首
兩情蕭索離魂何處飄泊

孫光憲

江上草芊芊春晚湘妃廟前一方卵水楚南天數行
征鴈聯翩 獨倚朱欄情不極魂斷終朝相憶兩槩
不知消息遠汀時起鷓鴣

花前飲

古今詞話

雨餘天色漸寒滲海棠綻臙脂如錦告你休看書共
我花前飲 皓月穿簾未成寢篆香透鴛衾雙枕似

恁天色時你道是好做甚

品令

石次仲

困無力幾度偎人翠顰紅濕低低問幾時麼道不遠
三五日 你也自家寧耐我也自家將息驀然地煩
惱一箇病教一箇怎知得

秦少游

掉又懼天然箇品格於中壓一簾兒下時把鞋兒踢
語低低笑咭咭 每每秦樓相見見了無限憐惜人
前強不欲相沾識把不定臉兒赤

惜春即 美人

柳耆卿

玉肌瓊艷新粧飾好壯觀歌席潘妃寶釧阿嬌金屋
應也消得 屬和新詞多俊格敢共我勅敵恨少年
枉費踈狂不早與伊相識

越江吟

蘇易簡 齊
夜語

非烟非霧瑤池宴片片碧桃冷落黃金殿蝦鬚半捲
天香散 春雲和孤竹清婉入霄漢紅顏醉態爛熳
金輿轉霓旌影亂簫聲遠

相思引

笑盈盈香噴噴姑射仙人風韻天與肌膚常素嫩玉
面猶嫌粉 斜倚小樓凝遠信多少往來人恨只恐

乘春雲雨困迤邐嬌容褪

早春怨 石擬白

張伯雨

野得春來春寒春困陡頓無聊半剔殘燈片時春夢
過了元宵 空山暮暮朝朝到此際無夢可消却倚
東風如水衣帶草似裙腰

歸去來

柳耆卿

初過元宵三五慵困春情緒燈月闌珊嬉遊處遊人
盡賦歡聚 憑仗如花女持盃謝酒朋詩侶餘醒更
不禁香醕歌筵舞且歸去

又

一夜狂風雨花英墜碎紅無數垂楊謾結黃金縷
春殘縈不住 蝶稀蜂散知何處樽酒轉添愁緒
多情不慣相思苦休惆悵好歸去

孤館深沉

權無染 梅苑

瓊英雪豔嶺梅芳天付與清香向臘後春前解壓萬
花先占東陽 擬待拆一枝相贈柰水遠天長對粧
面忍聽羞又還空斷人腸

雙韻子

張子野

鳴鞘電過曉闌靜飲龍旂風定鳳樓遠出霏烟聞笑
語中天迥 清光近歡聲竟鴛鴦集仙花闥影更聞

度曲瑤山升瑞日春宮永

鳳孤飛

晏叔原

一曲畫樓鐘動宛轉歌聲緩綺席飛塵座滿更小待
金蕉暖 細雨輕寒今夜短依前是粉牆別館端的
歡期應未晚柰歸雲難管

應天長

常莊

綠槐陰裏黃鶯語深院無人春晝午畫簾垂金鳳舞
寂寞綉屏香一炷 碧雲凝人何處空役夢魂來去
昨夜綠窓風雨斷腸君信否

二

別來半歲音書絕一寸離腸千萬結難相見易相別
又是玉樓花似雪 暗相思無處說惆悵夜來煙月
想得此時情切淚沾紅袖黥

牛嶠

玉樓春望晴煙滅舞衫斜卷金條脫黃鸝嬌轉聲初
歇杏花飄盡隴山雪 鳳釵低赴節筵上王孫愁絕
鴛鴦對啣羅結兩情深夜月

二

雙眉澹薄藏心事清夜背燈嬌又醉玉釵橫山枕膩
寶帳鴛鴦春睡美 別經時無限意虛道相思憔悴

莫信綵牋書裏賺人腸斷字

顧夔

瑟瑟羅裙金線縷輕透鵝黃香盡袴垂交帶盤鸚鵡
裏裏翠翹移玉步 背人勻檀注慢轉橫波偷覷歛
黛春情暗許倚屏慵不語

惜春令

杜壽域

春夢無憑猶懶起銀燭盡畫簾低垂小庭楊柳黃金
翠桃臉兩三枝 粧閣慵梳洗悶無緒玉簫拋擲飄
絮紛紛人疏遠空對日遲遲

二

今夕重陽秋意深籬邊散嫩菊開金萬里霜天林葉
墜蕭索動離心 臂上茱萸新似舊年堪賞光陰百
盞香醕且酌身牛山會難尋

沙塞子

中秋無月

周紫芝

秋雲微淡月微羞雲黯黯月彩難留只是應嫦娥心
裏也似人愁 幾時回步玉移鈎人共月同上南樓
却重聽畫闌西角月下輕謳

趙德莊

彥端

春水綠波南浦漸理棹行人欲去黯消魂柳下輕煙
花稍微雨 長亭放艫無計住但芳草迷人去路忍

回頭斷雲殘日長安何處與上韻不同

月中行

周美成

蜀絲趁日染乾紅微暖面脂融博山細篆霽房櫳靜
看打窓蟲 愁多膽怯疑虛幕聲不斷暮景踈鍾團
團四壁小屏風淚盡夢啼中木作啼盡

月宮春與上同

毛文錫

水精宮裏桂花開神仙探幾迴紅芳金盞繡重臺低
傾瑪瑙杯 玉兔銀蟾爭守護姮娥姹女戲相偎遙
聽鈞天九奏玉皇親看來

醉花間

馮延巳

獨立堦前星又月簾櫳偏皎潔霜樹盡空枝勝斷下
香結 夜深寒不寐疑恨何曾歇凭闌干欲拆兩條
玉筋為君垂此宵情誰共說

二

月落霜繁深院閉洞房人正睡桐樹倚雕簷金井臨
瑤砌 曉風寒不啻獨立成憔悴閑愁渾未已離人
心緒自無端莫思量休退悔

桂華明三夢廣寒宮倚髯翁笛聲

閔子東注

縹緲神仙開洞府遇廣寒宮女問我雙鬟梁溪舞還
記得當時否 碧玉詞章教仙語為按歌宮羽皓月

滿窓人何處聲未斷瑤臺路

墨莊漫錄

四和香

李處全 晦菴詞

香雪漸苞偏勝韻領袖催花信華節良辰人有分看
士女蟠垂髻莫向春風尋舊恨樂事隨方寸眉壽
故應天不吝浮太白吾無悶

轉調賀聖朝

古今詞話

漸覺一日濃如一日不比尋常若知人為伊瘦損成
病又何妨相思到了不成模樣收淚千行把從前
淚來做水流也流到伊行

醉高歌

姚牧菴

十年燕月歌聲幾點吳霜鬢影西風吹起鱸魚興已
在桑榆暮景榮枯枕上三更傀儡場中四并人生
幻化如泡影幾個臨危自省

荷葉盃

常莊

絕代佳人難得傾國花下見無期一雙愁黛遠山眉
不忍更思惟閑掩翠屏金鳳殘夢羅幕盡堂空碧
天無路信難通惆悵舊房攏

二

記得那年花下深夜初識謝娘時水堂西面畫簾垂
携手暗相期惆悵曉鶯殘月相別從此隔音塵如

今俱是異鄉人相見更無因

慶金枝

新春入舊年綻梅萼一枝先
龍頭人待信音傳笑楚
岸未香殘小桃風雪凭欄
干下簾幙護輕寒年華
永占入芳筵付樽前漸成歡

鳳來朝

周美成

逗曉香嬌面小窓深
美明未適愛殘朱宿粉雲鬟亂
最好是帳中見
說夢雙蛾微歛錦衾温
酒香未斷待起難捨
拚任日炙盡欄暖

五日感事

史邦卿

暈粉就妝鏡掩金閨
綵絲未整起無人學指鴛鴦頸
恨誰踏蘚花逕
一夢蒲香葵冷墮銀瓶
脆繩掛井扇底
美團圓影只此是沈郎病

西江月

司馬温公

詞話

寶髻鬆鬆縮就鉛華
淡淡粧成紅煙翠霧罩輕盈飛
絮遊絲無定相見爭如
不見有情還似無情笙歌
散後酒微醒深院月明
人靜

春感

柳耆卿

鳳額綉簾高捲獸簷朱
戶頻搖兩竿紅日上花梢
春睡厭厭難覺好夢往
隨飛絮閑愁濃勝香醪
不成

雨暮與雲朝又是韶光過了

晏小山

南苑垂鞭路冷西樓把桃人稀庭花猶有鬢邊枝且
插殘紅自醉 畫幕涼催燕去香屏曉放雲歸依前
青枕夢回時試問愁閑有幾

梅花 寓意 朝雲

蘇子瞻

玉骨那愁瘴霧冰肌自有仙風海仙時遣探芳叢倒
掛綠毛么鳳 素面翻嫌粉澹洗粧不褪唇紅高情
已逐曉雲空不與梨花同夢

春夜

照野瀰瀰淺浪橫空曖曖微霄障泥未解玉驄驕我
欲醉眠芳草 可惜一溪明月莫教踏碎瓊瑤解鞍
歌枕綠楊橋杜宇數聲春曉

重陽

點點樓前細雨重重江外平湖當年戲馬會東徐今
日淒涼南浦 莫恨黃花未吐且教紅粉相扶酒蘭
不必看茱萸俯仰人間今古

揚州平山堂有感 歐陽送 劉原父

三過平山堂下半生彈指聲中十年不見老仙翁壁
上龍蛇飛動 欲吊文章太守仍歌楊柳春風休言

萬事轉頭空未轉頭時皆夢

張子野

泛泛春船載樂溶溶湖水平橋高鬟照影翠烟搖白
紆一聲雲杪倦醉天然玉軟卸粧人惜花嬌風情
遺恨幾時銷不見盧郎年少

勸酒

山谷

斷送一生惟有破除萬事無過遠山微影蘸清波不
飲傍人笑我花病等閑瘦惡春來沒箇遮闌盃行
到手莫留殘不道月明人散

秦少游

愁黛顰成月淺啼粧印得花殘只消鴛枕夜來閑曉
鏡心情便懶醉帽簷頭風細征衫袖口香寒綠江
春水寄書難携手佳期又晚

郵亭壁上詞

古今詞話

昨夜輶車宿處亂山深鎖郵亭煙溪霜葉顫秋聲不
管愁人不聽枕冷安排難穩衾寒重疊猶輕憑誰
說與那人人報道衾寒枕冷

杜安道

曉鏡初粧玉粉輕風暗遞幽香閑隨月影到寒塘忘
却人間天上雲意空驚春意孤芳已斷年芳從教

驛使為伊忙乞箇壽陽宮樣

顏持約傳文

草草書傳錦字厭厭夢繞梅花海山無計駐仙槎勝
斷芭蕉影下 缺月舊時庭院飛雲到處人家而今
憔悴髮先華說着多情也怕

春夕

毛澤民

煙雨半藏楊柳風光初着桃花主人細細酌流霞醉
裏將春畱下 柳外鴛鴦作伴花邊蝴蝶為家醉翁
醉裏也隨他月在柳橋花榭

葛魯卿

鞦韆斜紅帶柳琉璃漲綠平橋人閒花月正新妖不
數錢塘蘇小 恨寄飛花簌簌情隨流水迢迢鯉魚
風送木蘭橈迴棹荒鷄報曉

趙元鎮

世態浮雲易變時光飛箭難畱五年重見海東頭只
有交情似舊 未盡別來深意難堪老去離愁青山
迢遞水悠悠明日偏舟病酒

警悟

朱希真

世事短如春夢人情薄似秋雲不須計較苦勞心萬
事原來有命 幸遇三盃酒好偶逢一朵花新片時

歡笑且相親明日陰晴未定

二

日日深杯酒滿朝朝小圃花開自歌自舞自開懷且
喜無拘無礙青史幾番春夢紅塵多少奇才不須
計較與安排領取而今見在

宋謙父

何敢笑人干祿自知無分彈冠只將貧賤博清閑留
取書遮老眼世上風波任險門前路徑須寬心無
妄想夢魂安萬事鶴長鳧短

蔡京

八十一年住世四千里外無家如今流落向天涯夢
到瑤池闕下玉殿五回命相形庭幾度宣麻止因
貪此戀榮華便有如今事也

揮塵錄云蔡元長南遷有旨取所寵姬慕容邢武者三人以金人指名來索也作詩而別至潭州作詞云

李伯紀

意態何如甃甃輕盈只恐飛飛華堂偏傍主人棲好
與安巢穩戲攬斷樓中風月且看掌上畧支謫仙
詞賦少陵詩萬語千言摠記

向子諲

微步凌波塵起弄粧滿鏡花開春心擲處眼頻來秀
色着人無柰舊事如風無迹新愁似水難裁想思
日夜夢陽臺減盡沈郎衣帶

史達祖

西月澹窺樓角東風暗落簷牙一燈初見影窸紗又
是重簾不下幽思屢隨芳草閑愁多似楊花楊花
芳草遍天涯繡被春寒夜夜

子瑜

一百八般佛事二十四考中書山林朝市等區區着
甚由來自苦過寺談此般若逢花倒個葫蘆少時

伶俐老來愚萬事安於所遇

題邗鄆呂仙翁祠堂

文卿

壁斷何人舊字爐寒隔歲殘香洞天人去海茫茫玩
世仙翁已往西日長安道遠春風趙國臺荒行人
誰不悟黃糧依舊紅塵陌上

遣興

辛幼安

醉裏且貪歡笑要愁那得工夫近來始覺古人書信
着全無是處昨夜松邊醉倒問松我醉何如只疑
松動要來扶以手推松曰去

漢書龔勝傳勝與左將軍公孫祿議事不
和博士夏侯常勸之勝以手推常曰去

洞庭

張安國

問訊湖邊春色重來又是三年東風吹我過湖船楊
柳絲絲拂面 世路如今已慣此心到處悠然寒光
亭下水連天飛起沙鷗一片

別友

翰墨

記得洛陽話別十年社燕秋鴻今朝相遇暮雲東對
坐旗亭說夢 破帽守遮斜日練衣袖捲寒風蘆花
江上兩衰翁消得幾番相送

周紫芝

池面風翻弱絮樹紅雨退媽紅撲花蝴蝶杳無蹤又

做一場春夢 便是一成去了不成沒箇未時眼前
無處說相思要說除非夢裡

二

羅袖雲輕霧薄醉肌玉軟花柔相逢不道有春愁只
道春來微瘦 一點人間深意數聲柳下輕謳帶將
離恨上歸舟腸斷月斜時候

春半

朱淑真

辦取舞裙歌扇賞春只怕春寒捲簾無語對南山已
覺綠肥紅淺 去去惜花心懶踏青閑步江干恰如
飛鳥倦知還淡蕩梨花深院

燈花

曹仙姑

零落不因春雨吹噓何假東風紗窓一點自然紅費
盡功夫怎種 有艷難尋膩粉無香不惹遊蜂更闌
人靜畫堂中相伴玉人春夢

寄張生

鄭雲娘

一片冰輪皎潔十分桂魄婆娑不施方便是如何莫
是嫦娥妬我 雖則清光可愛柰緣好事多魔伏誰
傳與片雲呵遮取霎時則箇

張生寄雲娘詞云一望朱樓巧小四邊繡幕低垂
箇人活脫似楊妃倚遍闌干十二最苦兩隻情眼
難禁四隻愁眉無言回首
日沉西不道一聲安置

席上呈蔡相押排行十九韻 尹温儀

韓愈文章盖世謝安才貌風流良辰開宴在西樓敢
勸一杯芳酒 記得南宮高過弟兄都占鰲頭一門
御殿御香浮名在甲科第九

成都妓尹温儀本良家女後以零替失身妓籍蔡
相帥成成都酷愛之尹告蔡乞除樂籍蔡戲曰若樽
前成一小闕便可除免尹曰乞腔調蔡答以西江
月尹又乞嚴韻蔡曰汝排行十九川九字即便應
聲云蓋取蔡第九人弟元度第十一人也
復齊漫錄云姑蘇官妓蘇瓊行第九蔡元長道過
蘇州太守召飲元長聞瓊能詞因命即席為之乞
韻以九字詞云

石孝友

脉脉無端心事厭厭不柰春醒越羅衫薄峭寒輕試

問幾番花信 萬點風頭柳絮絮數聲柳外啼鶯斜陽
還傍小窓明門掩黃昏人靜

燕歸梁

柳耆卿

織錦裁篇寫意深字直千金一回披玩一愁吟腸成
結淚盈襟 出歡已散前期遠無聊賴是而今密憑
歸燕寄芳音恐冷落舊時心

石曼卿

芳草年年惹恨幽想前事悠悠傷春傷別幾時休
笑從古為風流 春山摠把深勻翠黛千疊在眉頭不
知供得幾多愁更斜日憑危樓

張子野

去歲中秋玩桂輪河漢淨無雲今年江上共瑤尊都
不是去年人 水晶宮殿琉璃臺閣紅翠兩行分點
唇微破秀眉顰清影外見歌塵

上行杯

馮延巳

落梅暑雨消殘粉雲重烟深寒食近羅幙遮香柳外
秋千出畫牆 春山顛倒釵橫鳳飛絮入簾春睡重
夢裡佳期祗許庭花與月知

惜分飛

一名惜
雙雙

毛澤民

淚濕闌干花着露愁到眉峯碧聚此恨平分取更無

言語空相覩 斷雨殘雲無意緒
寂寞朝朝暮暮今
夜山深處 斷魂分付潮回去

晁無咎

山水光中元無暑 是我銷魂別處
只有多情兩會人
深意留人住 不及梅花來已暮
未見荷花又去圖
畫他年覩 斷腸千古茗溪路

辛幼安

翡翠樓前芳草路 寶馬墜鞭暫駐
最是周郎顧尊前
幾度歌聲誤 望斷碧雲空
日暮流水桃源何處聞
道春歸去更無人管 飄紅雨

送別

吳淑姬

岸柳依依拖金縷 是我朝來別處
惟有多情絮故來
衣上留人住 兩眼啼紅空彈與
未見桃花又去一
片征帆舉 斷腸遙指茗溪路

惜雙雙

賀方回

皎鏡平湖三十里 碧玉山圍四際
蓮蕩香風裏 綵鴛
鴛鴦雙飛起 明月多情隨拖尾
偏照空床翠被回
首笙歌地 醉更衣處長相記

清平調

昭陵神宮發引

王禹玉

玉宸朝晚忽掩赭黃衣 愁露鎖無扉
蓬萊待得仙丹

至人世已成非
龍軒天仗轉西畿
旌旆入雲飛
望陵宮女垂紅淚
不見翠輿歸

二

上林春晚曾是奉宸遊
水殿戲龍舟
玉簫吹斷催仙馭
一去隔千秋
游人重到曲江頭
事往涕難收
空餘御幄傳觴處
依舊水東流

太常引

在燕端陽日
當母誕作

陳剛中

孚

綵絲堂上簇蘭翹
記生母在今朝
無地捧金蕉
柰煙水龍沙路遙
碧天迢遞白雲何
處急雨蕭蕭
萬里夢魂消
待飛逐錢塘夜潮

山房隨筆孚天
台人時為編修

二

短衣孤劍客
乾坤柰無策
報親恩三載
隔晨昏
更疎雨寒燈
斷魂赤城霞外
西風鶴髮
猶想倚柴門
蒲醕漫盈樽
倩誰寫青山
淚痕

韓玉

東風歸路水雲間
幾曾放夢魂
閑何日
整歸鞍
有人對西風
凭闌溫柔情性
繫懷傷感
欲訴訴應難
愁聚兩眉端
又疊起千山萬山

二

荒山連山水連天
憶曾上桂江舡
風雨過吳川
又却

在湘江岸邊 不堪追念浪萍踪跡虛度夜如年風
外曉鐘傳尚獨對殘燈未眠

金劉雲震

耿耿九虎隔重關到天上却空還回首謝塵寰問今
日誰人姓韓 瓜田蔬圃竹溪松逕何地不堪間且
莫問長安比蜀道元來更難見困學齋雜錄

梅苑

行雲蹤跡杳無期梅梢上又春歸不道又別離這一
度清香為誰 多情囑付庾樓羗管憑伏且休吹留
取兩三枝待和淚封將寄伊

太清引趨省闈桂偶成

蒲江

夢回金井卸梧桐嘶馬帶踈鍾草面露痕濃漸薄袖
清寒暗通 天低絳闕雲浮碧海殘月尚朦朧吹面
桂花風悄不紅塵道中即太常引

錢劉參議歸山東

劉燕歌妓青樓集

故人別我出陽關無計鎖雕鞍今古別離難兀誰畫
蛾眉遠山 一尊別酒一聲杜宇寂寞又春殘明月
小樓閑第一夜相思淚彈

四犯令

侯彥周

月破輕雲天淡注夜悄花無語莫聽陽關牽離緒拚

酩酊花深處 明日江郊芳草路春遂行人去不似
酴醾開獨步能着意留春住

漁歌子

李詢

九疑山三湘水蘆花時節秋風起水雲間山月裏棹
月穿雲遊戲 鼓清琴傾綠蟻扁舟自得逍遙志任
東西無定止不議人間醒醉

孫光憲

草芊芊波漾漾湖邊草色連波漲沿蓼岸泊楓汀天
際玉輪初上 扣舷歌聯極望槳聲伊軋知何向黃
鵠叫白鷗眠誰似儂家踈曠

李珣

柳垂絲花滿樹鶯啼楚岸春天暮棹輕舟出深浦緩
唱漁歌歸去 罷垂綸還酌醕孤村遙指雲遮處下
長汀臨淺渡驚起一行沙鷺

二

荻花秋瀟湘夜橘洲佳景如屏畫碧煙中明月下小
艇垂綸初罷 水為鄉蓬作舍魚羹稻飯常食也酒
盈杯書滿架名利不將心挂

偷聲木蘭花

張子野

画橋淺映橫塘路流水涓涓春共去目送斜暉燕子

雙高蝶對飛 風花將盡持盃送往事只成清夜夢
莫更登樓坐想行思已自愁

二

雪籠瓊苑梅花瘦外院重扉聯寶獸海月新生上得
高樓沒柰情 簾波不動銀缸小今夜夜長爭得曉
欲夢高唐祇恐覺來添斷腸

怨三三

姑溪詞用
賀方回韻

李端叔之儀

清溪一派瀉揉藍岸草毵毵記得黃鸝語畫簷喚狂
裏醉重三 春風不動垂簷似三五初圓素蟾鎮淚
眼廉纖何時歌舞再和池南

捉拍醜奴兒

朱希真

清露濕幽香想瑤臺無語淒涼飄然欲去依然似夢
雲度銀潢 又是天風吹澹月珮丁東攜手西廂冷
冷玉磬沉沉素瑟舞遍霓裳

滴滴金

周美成

梅花漏泄春消息柳絲長草芽碧不覺星霜鬢邊白
念時光堪惜 蘭堂把酒留嘉客黛眉顰愁春色千
里音書相踈隔見了方端的

梅

孫夫人

月光飛入林前屋風策策度庭竹夜半江城擊柝聲

動寒梢棲宿 等閑老去年華促祇有江梅伴幽獨
夢繞夷門舊家山恨驚回難續

當初親下求言詔引得都來胡道人招是駱賓王
并洛陽年少 自訟監宮并岳廟都教一時閑了誤
人多是誤人多誤了人多少

中吳紀聞云徽宗即位下詔求直言陸彥猷因廷
對與雍孝開輩皆力陳時政闕失唱名曰誦駁放
孝開立殿下叩頭曰陛下求直言有云言之者無
罪今詔墨猶未乾柰何以直言罪人衛士怒孝開
唐突以柱斧撞其頰數齒俱落時上書及
廷試直言者俱得罪京師有謔詞云

花草稗編卷之四終

程